

## TUHANKAP PERMAKANKU

Edisi I, No. 4/33  
Teks sumber: Tuhan Gembalaku  
Penulis: Rini Koesdyanto  
Penerjemah: Bethesda

Syalom, mejuah-juah senina ras turang sini kelengi Tuhan. Meriah kel ukurku jumpa ras kam kerina. Arepanku kam kerina lit ibas kejuah-juahen, ateku empersingeti kam kerna kata Dibata sini tulis ken raja Daud kekelengan Tuhan. Mazmur 23:1. Tuhan kap permakanku e maka la kekurangan aku.

Sadawari, medak aku erpagi-pagi, paksa sie ngerana kesah si badia man bangku kerna ayat enda. Wari sie lalit sen ibas aku, tapi aku tetap ermeriah ukur janah ngendeken lagu Tuhan kap permakan ku. Enea si e kai siterjadi? Ladekah sa kerina siperluken kami icukupi Tuhan. Kai sikataken Dibata e tuhu kap, janah kita harus tek 100% ikataken Na maka manusia labo nggeluh ibas roti nari saja tapi ibas kata Dibata singgeluh.

Kegelu henta sitep-tep wari anusnya ibenaken ibas kata Dibata simbaru tiap wari man banta. Dibata ngerana man banta arah katana. Adi tek kita maka e me jadi geleman geluhna. Adikin tuhu kam nggeluh ibas Tuhan maka kerina perbeben geluhndu enggo ibahan Tuhan serpang pulahna. Kita si ertota Dibata semereken jababna arah kata Na, maka kerinana jadi bagi singena ate Na. Labo lit ke perlunta sila icukupi Na, janah labo keperluanlunta saja, tapi kai sura-sura pusuhta, adikin mehuli akap Dibato pasti nge ibereken Na.

Daud manusia biasa nge, tapi pusuh peratenna mehuli janah tutus ngikut ken Dibata. Katawari pe isenangkenna Tuhan. Isembah ras ipuji na la. I pas paksa susah entah senang geluhna tetap ibas Tuhan. I bas paksa ibahanna puisi Tuhan susah entah senang geluhna tetap ibas Tuhan. I bas paksa ibahanna puisi Tuhan kap permakanku, kuukuri payo kel ateku, ietehna erti permakan e sebab ia pe sekalak permakan si mehali. I bas pustaka sibadia tersurat Daud nalaken Goliat ras singa. Sope denga ia lawes ngelawan Goliat suruhna sekalak permakan njagai biri-birina. Sanga biri-biri e man ras minem I pujina Tuhan alu surdamma.

Senina ras turang cuba siukuri uga belinna perbahanen Dibata man banta. Tupung kita celus pe iberekenna cikenna man gelementa. Enggo pe kita bene

ibas dosa, tetap idaramina kita. Yesus erbahan sada perumpaman kerna biri-biri si lalar. Tuhan tetap ndarami e seh ngasa dat.

“Adi sekalak ibas kam lit seratus biri-birina janah bene sada kuga nge ibahanna? Tentu itadingkennea biri-biri si siwah puluh siwah I mbal- mbal, lawes ia ndarami biri-biri si bene e seh dat. Kenca idat Na biri-biri e, meriah kal ukurna, itamakenna biri-biri e ku datas barana, jenari ibabana ku rumah. Kenca bage idilona teman-temanna ras si ndeher-ndeher rumahna, janah nina Meriah kal ukurku sabab enggo kudat biri-biringku si bene e. Marilah kita erineriah ukur ras-ras. Kuka taken man bandu Beliden pe keriahen I surga nandangi sekalak perdosa si jera asangkan si siwah puluh siwah kalak si akapna ia benar dingen la perlu jera.” Nina Yesus ibas Lukas 15:4-6.

Pernah kin inanamindu kiniseran si she kel belinna? Situhuna paksa si e pe Tuhan tetap ras kam. Labo pediatna kam kekurangan, tetap nge kam ikawalina.masalahna melalla biri-biri rusur nadingken rarasenna. Emaka itengah dalam ijerngcam singa me biri-biri e. Adi kita tetap ngikutken dalam Tuhan, kita tetap aman. Ula tandingken perpulungen, ula tandingken Tuhan amin kai pe siterjadi. Adi sitadingken Tuhan bene nari me sikera jangenta. Emaka kupeseh man bandu gelah medakenca erpagi-pagi baca lebe kata Dibata segelah senang ras dame pusuh peratenta.

Erpangarapenlah man Dibata sitetap njagai ras singkawali kegeluhendu. Ibas kam nenganami kiniseraen ceda ate Dibata tetap nampati kam. Mari si dahi la alu pusuh si dem kiniteken man Bana.